

下

武夷山市地方志编纂委员会整理



志序

序言

盧公山 廉壁峰 桃源洞
寄錢淵隱系瀾農南三
懸一壁巒峰上斧柯根
泉涌象頭煙出虹耀一



董天工



方志出版社

(清)

董天工 编

武夷山志
〔下〕

方留章 黄胜科 邱培德 李夷 点校
李崇英 黄胜科 邱志娟 再校

武夷山市地方志编纂委员会整理
方志出版社出版

图书在版编目 (CIP) 数据

武夷山志/(清) 董天工编; 武夷山市地方志编纂委员会整理. —北京: 方志出版社, 2007.5

ISBN 978-7-80238-042-4

I . 武… II . ①董… ②武… III . 武夷山—地方志
IV . K928.3

中国版本图书馆 CIP 数据核字 (2007) 第 058419 号

武夷山志

编 者: (清) 董天工

整 理: 武夷山市地方志编纂委员会

责任编辑: 朱玲玲

出 版 者: 方志出版社

(北京市建国门内大街 5 号中国社会科学院科研大楼 12 层)

邮编 100732

网址 <http://www.fzph.org>

发 行: 方志出版社出版发行部

(010) 85195814 85196281

经 销: 新华书店总店北京发行所

法律顾问: 北京市京诚律师事务所

印 刷: 福州力人彩印有限公司

开 本: 730×1092 1/16

印 张: 56.375

字 数: 633 千

版 次: 2007 年 5 月第 1 版 2007 年 5 月第 1 次印刷

印 数: 0001-3000 套

ISBN 978-7-80238-042-4/K·810

全套定价: 180.00 元

·版权所有 翻印必究·

武夷山志目录

再版说明 / 1

点校清董天工《武夷山志》前言 / 2

原序 / 7

【上】

卷首	凡例 绘像	/ 1
卷一	总志上	/ 37
卷二	总志中	/ 73
卷三	总志下	/ 84
卷四	星野 形势 祀典 敕封 颁赐 九曲全图 九曲棹歌	/ 118
卷五	一曲上 图附、诗文附	/ 155
卷六	一曲中 诗文附	/ 199
卷七	一曲下 诗文附	/ 235

【中】

卷八	二曲 图附、诗文附	/ 261
卷九上	三曲 图附、诗文附	/ 297
卷九下	四曲 图附、诗文附	/ 311
卷十	五曲上 图附、诗文附	/ 335
卷十一	五曲下 诗文附	/ 374

- 卷十二 六曲 图附、诗文附 / 419
卷十三上 七曲 图附、诗文附 / 455
卷十三下 八曲 图附、诗文附 / 475
卷十四 九曲 图附、诗文附 / 491
卷十五 山北 图附、诗文附 / 515

【下】

- 卷十六 名贤上 理学、官守、主管 / 559
卷十七 名贤下 寻胜、卜筑、隐逸、节烈 / 588
卷十八 方外 仙、佛、羽流、释子 / 629
卷十九 古迹、杂录、附录、物产 / 644
卷二十 艺文 山记、仓记、游记 / 667
卷二十一 艺文 杂记、序、赋、赞、杂著 / 719
卷二十二 艺文 骚、曲、四言古诗、五言古诗、七言古诗、
诗余 / 747
卷二十三 艺文 五言律诗、七言律诗 / 800
卷二十四 艺文 五言绝句、六言绝句、七言绝句 / 847

武夷山志卷之十六 名贤上

理 学

宋

范仲淹 字希文，汝南人，宋仁宗时资政殿大学士，谥文正。尝有《和章岷从事斗茶歌》。

杨时 字中立，将乐人，熙宁丙辰进士。师程纯公顥，及归，顥目送之曰：“吾道南矣。”顥卒，又师其弟正公颐。一日颐冥坐，与游酢侍立不去。颐觉，门外雪深一尺矣。历知浏阳、余杭、萧山三县，皆有惠政。除荊州教授，学者称为龟山先生。宣和中，除迩英殿说书，极言朝政边务。靖康初，切纠童贯，进谏议大夫兼侍讲；又抗言割地之非，擢祭酒。疏谕蔡京，请追夺王安石封爵，去享祀，诏从之。旋遭诋罢，除徽猷閣直學士，予祠。高宗即位，召為工部侍郎，時年已七十六矣，力辭老疾，乃以龍圖閣直學士予祠，致仕。八十三歲卒，謚文靖。嘗過武夷，與胡、劉諸賢游。著有《四書解義》、《三經義辨》、《周禮毛詩辨疑》并詩文集。明弘治時從祀文廟。康熙四十四年，學臣沈涵請御書“程氏正宗”額賜其祠。子五人，尤著者曰迪，字遵道，亦游程門。正公目以遠器，官奉議大夫。

胡安国 字康侯，崇安人，紹聖四年第進士，授荆南教授。歷遷提舉湖南學，荐布衣王絢、鄧璋。蔡京诬以所舉匪人，罷歸。高宗除給事中，命點正《左傳》。因進所著《春秋

传》，上谓深得圣人之旨，除侍读。廷臣诋毁，除永州，予祠，加宝文阁直学士，退居武夷，自号武夷翁，年六十五卒，谥文定。正统时，从祀文庙；成化三年，追封建宁伯；康熙四十四年，学臣沈涵请御书“霜松雪柏”额赐其祠。

胡寅 字明仲，文定公从弟淳子。生时以多男欲不举，文定妻梦大鱼跃盆中，取而子之。受业龟山。宣和三年第进士，历校书郎，迁员外。金人陷京师，议立异姓，与张浚、赵鼎不书议状。弃官归，建亭于武夷，曰“夺秀”。建炎间，历迁徽猷阁直学士，卒谥文忠。著有《论语详说》、《崇正辨》、《读史管见》、《斐然集》。学者称致堂先生。

胡宁 字和仲，文定公次子也，以郊祀恩补将仕郎。时秦桧使其子熺知枢密院事，问外议如何，答曰：“蔡元长父子所为，岂所望于相公！”桧大怒，指为故相赵鼎客，罢之。寻除夔州路安抚司参议，改知澧州，以疾丐辞，卒称茅堂先生。尝居武夷，文定公传《春秋》，多出其手，又著《春秋通旨》以羽翼家学云。

胡宏 字仲仁，文定公季子。尝游太学，师龟山及河东侯师圣。初以荫补承务郎，丁父忧，服阙不肯出仕，求岳麓山长。秦桧愠宏不为己屈，乃以潭州岳麓处之。宏奉祠家居，一无怨尤。桧死被召，以疾革矣，卒谥曰明。张栻，其门人也。尝著有《知言》及《皇王大纪》八十卷，诗文五卷。学者称五峰先生。子大时，字季，随师张栻，又从朱文公游。

胡宪 字原仲，文定公从子，罗定令安老之子也。绍兴中，以乡贡入太学，寻返故山，力田养亲。廷臣合章以行义闻，召赐进士出身，授建宁府教授，以母老丐祠归。时秦桧用事，隐居乐道。桧死，召为秘书省正字，年七十五矣。幡然至阙下，抗疏言金必败盟，元臣、宿将惟张浚、刘琦可用。疏入

即去。上留之不得，命以左宣教郎主管崇道观，使归食禄，卒谥靖肅。初禁伊洛学，中夜潜抄诵习，后归武夷，日与刘草堂及文靖相讨论。著有《论语会议》，学者称籍溪先生。朱文公熹、吕成公祖谦及魏掞之皆其门人。文公自言遵父命从游胡、刘三君子，而事籍溪最久，得其学尤多云。

刘勉之 字致中，号草堂，崇安人，开府滋之曾孙也。以乡贡入京师。时禁挟元祐书，每潜抄默诵。闻涪陵焦定受《易》于程子，乃与胡籍溪就学。南还，道过刘文忠安世、杨文靖时，皆从请业。归武夷与胡、刘诸子讲学。朱韦斋临卒，托以后事，且谕子熹师事之。勉之为经理其家，妻以女，抚养如子侄。所著有《草堂文集》，学者称白水先生。

刘子翬 字彦冲，自号病翁，崇安人，忠显公榦季子也。初以荫补承务郎，辟真定幕。痛父死国难，哭墓三年。服除，通判兴化军，寻丐祠，主管冲佑观。与籍溪、草堂为道义交。时朱文公奉父遗命来游于门。事继母及兄子羽极尽孝友，年四十七卒。累阶右承议郎，谥文靖，居屏山下，学者称为屏山先生。著《屏山集》二十卷。子玶，字平甫，有逸才，事母以孝闻，为从事郎，著诗集十卷。

李侗 字愿中，延平人，少豪勇，常夜醉驰马为欢。既冠，游乡校，有声闻。罗仲素讲学，师事焉。朱熹受业其门，以子试吏旁郡，迎养，归道武夷。会闽帅汪应辰以书币相招，往见，疾作，卒谥文靖。万历时从祀文庙。康熙四十四年，学臣沈涵请御书“静中气象”额，榜于祠。

张栻 字敬夫，号南轩，四川绵竹人，忠定公浚之长子。师胡宏，宏一见称之曰：“圣门有人矣！”以荫仕直秘阁。孝宗初，浚起谪籍，开府治戎参佐，栻内赞机务，外参庶政。召赴行在，前后谠论甚多。历迁吏部侍郎，因忌求去，诏以右

文殿修撰，奉祠武夷冲佑观。年四十八卒，谥曰宣，从祀孔庙。著有《论孟太极说》、《经世纪年》、诗文集。

吕祖谦 字伯恭，号东莱。其先世莱州人，五世祖夷简、高祖公著、曾祖希哲皆居寿州。祖好问迁婺州，父本中家学渊源，有“中原文献”之称。成进士后中博学宏词科，召为博士，兼国史院编修，历直秘阁，主管冲佑观，复除著作郎。年四十五卒，谥曰成，从祀孔庙。初从林拙斋、胡原仲游，与文公讲习于武夷最久，著有《博议经史》、《闻范官箴》、《辨志录》。弟祖俭，字子约，太府寺丞，以书击韩侂胄，窜岭表。

朱熹 字元晦，一字仲晦。绍兴戊辰进士，历官宝文阁待制，赠太师，谥曰文，追封徽国公。宋淳祐时，从祀孔庙。先世居徽之婺源，父韦斋，读书于新安紫阳山，以进士为政和县尉，侨寓建剑间，馆于尤溪郑氏而生熹，时建炎四年庚戌也。韦斋学本龟山，历官吏部员外郎，以不附秦桧，请祠居建州。疾革，以书托孤于刘子羽。子羽为筑室里第之傍。熹乃奉母迁崇安，榜其居曰“紫阳书堂”，示不忘故乡也。以父遗命，师胡籍溪、刘屏山、刘草堂。草堂以女妻之。后又受学于李愿中。尝结庐建阳芦山之云谷，曰“晦庵”，因以自号，亦称云谷老人。复筑精舍于武夷，时年五十有四。后卜居建阳考亭，六十三矣，号沧州病叟。最后，筮得遁之同人，更号遁翁。登第五十年，历仕四朝，在外者九年，立朝才四十日，数为权奸所沮，闲居四十余年。尝主管华州云台观，又主管冲佑观。年七十有一卒，盖宁宗庆元六年庚申也。子三：塾，将仕郎；埜，迪功郎；在，宝谟阁待制。康熙二十六年，御赐“学达性天”额于五曲书院。四十四年，圣祖南巡，又书“大儒世泽”额并“诚意正心，阐邹鲁之实学；主敬穷理，绍濂洛之真传”联，颁于考亭家祠。

蔡元定 字季通，建阳人。筑室建阳西山，学者因称西山先生。闻朱文公名，往师之。文公叩其学，惊曰：“此吾老友，不当在弟子列。”韩侂胄设伪学禁，文公首被黜。元定谪道州，文公与从游诸子饯别于考亭靖安寺，时邱膺泣下不能止，众皆感动。文公微视元定，不异平时，因叹曰：“友朋相爱之情，季通不挫之志，可谓两得矣。”次日，文公与宿寒泉精舍，因同订《参同契》，终夕不寐。乃别，寓书文公曰：“间关万状，然自反而缩，殊觉怡然。”贻书训诸子：“独行不愧影，独寝不愧衾，勿以吾得罪故，遂懈其志。”逾年，以疾卒于谪所。侂胄诛，赠迪功郎，谥文节。所著有《大衍详说》、《律吕新书》、《皇极经世指要》。子三人：渊，字伯静，号节斋，著《太极通旨》、《易解》；沆，改名知方，字复之，登宁宗进士，官两浙运干，著《春秋五论》，称复斋先生；沈，字仲默，号九峰，从朱文公游，文公晚年以训释《尚书》，嘱之成集传。在道州，父卒，徒步扶柩归，年三十，绝意仕途，建南山书堂于武夷。六十四岁卒，谥文正。明正统二年，从祀孔庙；嘉靖间，比程太中、朱献靖例，以元定从祀启圣祠。康熙四十五年，御书赐元定额“紫阳羽翼”，沈额“学阐图畴”，允学臣沈涵请也。沈子二：模，字仲觉，号觉轩，著《续近思录》、《易传集解》，淳祐间授迪功郎，本学教授请颁“鹿洞学规”于州县；抗，字仲节，号九轩，绍定己丑进士，累官参知政事，谥文简，后更文肃。武夷之咏归堂乃其读书处也。

黄干 字直卿，一字季直，号勉斋，闽县人，御史瑀之子。刘子澄一见奇之，以书进文公。文公见其志坚思苦，以女妻之。删定诸书，皆与论议，编《礼分掌丧祭》二篇。病革，以深衣及所著书授之。初，文公帅湖南时，命奉宁宗即位，表奏补将仕郎，历知临川、新淦二县，通判安澧、建康，除知安庆

府，致仕。卒谥文肃。中间，予祠者三，两主管武夷冲佑观。文公季子在及诸孙，皆其门人。著有《经解文集》。兄东、弟臬俱文公门人。

方士繇 字伯謨，号远庵，莆田人。父豊之依崇安刘彦修，遂家焉。士繇受学于文公，游郡庠，不践场屋，栖止五曲仁智堂。六经皆通，尤深于《易》，精各种书法，著有《远庵集》。

江 默 字德功，崇安人，中乾道己丑科，历宰光泽、建宁，皆有异政。尝从文公于武夷，著《周易》、《四书训解》、《本朝典故纲册》。上于朝，孝宗褒美，赐绯鱼袋。弟点，为郢州录参，雪冤摘伏，多异政。从子埙，真文忠公门人，嘉定进士，官至开州知州。

欧阳光祖 字庆嗣，崇安人。从刘文靖、朱文公学。文靖尝曰：“志同道合，未有若庆嗣者。”文公令三子师事焉。登乾道壬辰进士。赵忠定公汝愚、张宣公栻荐于朝，为江西运干。

刘 燮 字晦伯，建阳人。父懋，字子勉，号恒轩，著术甚富。爚与弟炳、炯同学于文公。乾道壬辰第进士，扬历外吏，皆有政声。学禁起，筑云庄山房于武夷，自号云庄居士。累官工部尚书，上疏请罢伪学之禁，奏刊文公《四书集注》于学宫。卒谥文简。所著有《四书集成》、《礼记解》及《奏议文集》。子厚，字伯醇，号静斋，亦从文公学，历官州县，进秩朝请大夫，与蔡沈、真德秀相友善，有《毛诗解》、《家礼集注》等书。孙钦，字子明，少从蔡沈学，精于《易》，以祖荫补官，所至有政声，擢侍御史、同知枢密院事。称疾归隐武夷五曲之茶洞，有《书经衍义文集》十卷，卒谥忠简。爚之仲弟炳，字韶仲，号睦堂，淳熙戊辰进士，官至兵部郎中，谥文安。文公撰述多与之论订，著有《四书问目》、《纲目要略》等书。季弟炯，

字季明，庆元己未进士，固始令，寻挂冠归隐，徜佯于九曲之间。

詹体仁 字元善，崇安人。隆兴初进士，调浮梁尉，历晋江丞、国子学录，迁太常博士，绍兴末，除太常少卿。时光宗久不过重华宫，体仁陛对，极陈父子至恩，引《易》睽孤之义。孝宗崩，抗疏请临祥祭，建议定谥曰孝，复密赞赵汝愚定大策。开禧初，知靖康府，除司农卿，总湖南饷事，卒于官。平生为学，以存诚慎独为本，师事朱文公，与蔡西山友善。真文忠从之游，尝问居官临民之要，曰：“尽心平心而已。”著《象数总义》一卷。

熊以宁 崇安人，从文公游，淳熙戊戌第进士，授光泽簿。刚介自持，尝谓“志伊学颜皆分内事”。著《大学释义》、《中庸读说》。

陈孔硕 字肤仲，侯官人，偕其兄孔夙师事文公于武夷，淳熙乙未第进士，历任外吏，有古循吏良风。官至秘阁修撰，数忤韩侂胄、史弥远。归，杜门著书，有《中庸大学解》、《北山集》。学者称北山先生，以子忠肃公麟赠太师。孔夙，庆元进士。

郑可学 字子上，号特斋，莆田人。少孤好学，再贡礼部不利。道过武夷，从文公学。文公守漳州，延之以教子弟。晚年删完《大学》一编，曰此书欲付得人，惟子上足以当之。伪学禁起，独能旦暮追随，夷险一致。嘉定庚午，授忠州文学，调衡州司户。所著有《春秋博议》及《师说》、诗集。

李闳祖 字守约，号纲斋，光泽人。文公高弟，尝留之家塾，编《中庸章句》、《或问辑略》。嘉定辛未成进士，历官广西帅干，以勤慎明恕闻。著有《问答》十卷。弟相祖、壮祖，侄方子、文子同游文公之门。相祖字时可，文公命编《书说》三十

余卷。壮祖字处谦，同登进士，除闽清尉。文公尝语以为学之要。方子字公晦，自少端谨。文公曰：“观子为人，必寡过，然宽大中要规矩，和缓中要果决。”遂以果名其斋。登嘉定甲戌科，授泉州推官，迁学录。因不交史弥远，或谮之，使言官劾罢。著有《传道精语》、《禹贡解真》。文忠进其书于朝，起辰州通判，未赴，特加朝奉郎，致仕。文子字公谨，登绍熙癸丑科，历知閩、漳二州，蜀人咸宗其政教。

叶味道 字知道，世为括苍人，徙居建阳，师事文公。伪学禁起，味道对策仍本程子。知贡举，胡纮指为伪徒，黜之；复从文公于武夷。嘉定庚辰登第，除鄂州教授，历迁崇正殿说书秘书、著作佐郎，谥文修。著有《四书说》、《大学讲义》、《祭法》等书。子采，字仲圭，少从蔡渊学，淳祐登进士，累官侍讲，著有《近思录集解》、《西铭性理解》诸书，尝居武夷八曲之鼓子书堂。

吴楫 字公济，崇安人。少为诸生，郁郁不得志，退而闭户读书，与朱文公、蔡文节讲明理学。文公匾其书室曰“悦斋”，遣子师之。绍兴辛未特奏名，授临桂主簿。

游九言 字诚之，号默斋，初名九思，建阳人。十岁即为文诋秦桧，长从张宣公栻游。宣公教以“求放心”。举江西漕司，进士第一，调古田尉，历江州录事、沿海制司干官，入监文思院。张宣公帅广西，辟为幕属；及弟杓帅金陵，又辟抚干。时学禁方严，九言作《上元明道祠记》。罢归，乃筑室武夷，曰“水云寮”。开禧初，又为淮西安抚机宜，寻知光化军，充荆鄂宣抚参谋官，未行而卒。端平中，赠直龙图阁，谥文清。

国朝王梓辨：袁、徐二志皆以水云寮为游文肃公酢建，文清重葺之。明正德间，杨恒叔山志则以为建自文清，不言文肃。隆庆间，邱止山所修县志云：文肃本

建阳之长平人，历官罢归，寓居历阳。没，遂葬于和州，至其仲孙鼐复归长平路，梦神语云：“逢羊可歇，遇虎可居。”过武夷，因结小庐于羊墩，后得沉虎之地居之，更名澄浒，始籍崇安。余考游氏族谱，其言与邱志合，则水云察无与于文肃明甚。袁、徐牵引，殊无依据，不足凭也。谥文清，见游氏族谱。省志、郡志、《闽大记》皆作文靖，兹以族谱为正。

真德秀 本姓慎，避孝宗讳改真字，景元后更景希，浦城人。庆元五年进士，累官资政殿学士，谥文忠。其学以“毋自欺”为本，立朝不满十载，累疏数十万言，皆切当世要务。真声震中外。史弥远忌之，辄摈不用。筑室武夷山中，以斯文自任，一宗朱子。党禁之后，正学赖以复明，著有《大学衍义》、《文章正宗》诸书。正统间从祀孔庙。康熙四十五年，学臣沈涵奏请御书“力明正学”表其祠。子志道，仕至户部侍郎。

徐几 字子与，号进斋，崇安人。尝与詹琦筑“静可书堂”于武夷。博极群书，尤精于《易》。自晦翁之后，理学之传独臻其奥。景定间，廷臣交荐，以布衣召对，授崇正殿说书。上器重之，诏补迪功郎，迁建宁府教授兼典建安书院，撰经义以训多士，宇内尊之，称曰进斋先生。

熊禾 字去非，号勿轩，晚号退斋，崇安人。咸淳三年进士，任宁武州司户参军。入元不仕，退居武夷山中，筑洪源书堂于五曲以讲学，远近翕然宗之。后于所居扩而充之，易为家塾，中祀先师，侑以周、程、张、朱五贤。学徒弥众。著有《大学讲议》、《尚书口义》、《春秋通解》、《易讲义》、《书说》诸书，学者称勿轩先生。

元

陈 普 字尚德，号霍童，宁德人。宋末倡明理学，派出辅氏而源于考亭。与熊勿轩友善，隐居武夷之陷石堂。元初，聘为本省教授，不就。四方来学者数百人，著有《四书集解》、《书传补遗》、《易说》、《石堂文集》。学者称为石堂先生。

雷 机 字子枢，建安人。延祐间进士，历任县尹，俱以循吏著声，改翰林待制、朝散大夫。父德润邃于《易》。机与弟拱、杭皆以易学鸣于时；所著经解，学者称为“雷门易”。

胡一桂 字庭芳，婺源人。年十八领乡荐，试礼部不第，退而讲学，人号双湖先生。尝两至武夷，与熊勿轩禾论说参证。勿轩称其学业本自朱氏，而尤粹于《易》。著有《史纂通要》，勿轩为之序。

明

罗 伦 字彝正，号一峰，江西永丰人。成化丙戌状元，授修撰。李贤劾之，谪泉州市舶司提举。明年，诏复官，寻以疾辞，讲学授徒，尝流寓武夷，追谥文毅。

王守仁 初名云，字伯安，号阳明，余姚人，南冢宰华子也。弘治己未进士，授兵部主事。正德初，抗疏救言官，忤刘瑾，廷杖，谪贵州龙场驿丞。瑾使人要杀之，乃遁迹迁道至闽，经武夷，流连数月而去。瑾诛，累官巡抚南赣、汀漳，剿四郡积寇，不征调，不加赋，运筹有方。后擒宸濠，迁南大司马，封新建伯。嘉靖时，又征思田，平两广，以病乞休，薨。隆庆间赠新建侯，谥文成；万历十二年从祀孔庙。公理学、事功，掩盖前代，建立祠宇、书院凡四十余所。武夷有祠二：一在一

曲，一在五曲。所著有《传习录》、《诗文全集》四十卷。

湛若水 邹守益 唐顺之 曾游武夷讲学。若水字元明，号甘泉，增城人，弘治乙丑进士，累官兵部尚书，谥文简。著有《格物通要》一百卷及《甘泉集》。守益字谦之，号东廓，安福人，正德辛未会元探花，官至祭酒，谥文庄。初以史官里居，师事文成于虔州。顺之字应德，一字义修，号荆川，武进人。嘉靖己丑会元，历铨翰官坊，同罗文恭、洪先建言被黜。后以倭警需才荐用，擢淮阳巡抚，追谥襄文。守益子善，授闽臬司，为其父建祠于武夷大云寺故址。

蔡烈 字文继，龙溪人，受学于蔡文庄公清。年方壮，弃举业，尝游武夷，居精舍数日，曰：“脚根自此定矣。”嘉靖初，荐举遗逸，以养母辞。著有《孝经定本》、《大儒粹言》、《读书录》诸书。

罗洪先 字达夫，号念庵，吉水人。嘉靖己丑状元，官贊善，以建言被谪。尝寓武夷讲学，从游者甚众，年六十一，正襟敛手而逝，谥文恭。一曲有祠。

赵恒 字志贞，号特峰，晋江人。嘉靖戊戌进士，以推明经术为己任，读书武夷山中，远近之士从之。初任袁州教职，学使者延于鹿洞，集诸俊又师事之。后官姚安太守，以礼化民，一变蛮俗，所著有《春秋录疑》等书。

李材 字孟诚，号见罗，丰城人。嘉靖间进士，由刑、工两部主事，历按粤东兵备、滇南晋右金都御史，巡抚郧阳。万历间，谪戍漳州镇海卫，寓居建安。著有《观我堂集》、《兵政纪略》等书。尝讲学于武夷，四方从学者众。督学徐即登建书院于九曲以居之。即登，万历癸未进士，材之同邑门人也。

董应举 字崇相，号见龙，闽县人，万历戊戌进士。初任广州教授，税珰欲于学宫闲地驰射，应举率诸生哗之，珰气

夺而止。擢南博士，累官工部侍郎。尝建屯田之策，崔魏忌之，格其议，边功垂成而隳，识者惜焉。寻为阿珰者劾，罢居武夷之八曲涵翠洞，与生徒讲学，老而不倦。著有文集。建祠于四曲御茶园通仙井左。

葛寅亮 字冰鉴，号屺瞻，钱塘人，万历辛丑进士。文章、政事、理学皆有可称。初，因父大成任崇安县丞，随至闽，读书武夷山中。天启间，督学闽中，廉明造士。诸生建祠祀之。

黄道周 字幼元，一字螭若，号石斋，漳浦人。天启壬戌进士，入史馆，历少詹事。初忤魏忠贤，镌级褫职者再，廷杖，诏狱，寻复原官。谢病，归寓武夷，讲学经岁，后伏节而死。明末论人物者，以山阴刘念台宗周及先生为士林仪表云。

官 守

宋

赵 扌 字阅道。其先京兆奉天人，五代之乱始移越，遂为衢州西安人。景祐元年进士。初授武安军节度推官，秩满迁著作郎，知崇安县事。为政简易，昼之所为，夜必焚香告天，不敢告者不敢为也。邑南郊田，公凿渠引西郊水以灌之，又于南郊筑堤引水至新阳，溉田不下数千亩。至今，称其堤曰清献堤，渠曰清献渠。县圃有手植梅，后人立石铭曰：“召有棠，莱有柏，清献之梅碑以石”。尝结亭于武夷，名曰：“吏隐”，为公余游息之所。迁御史，弹劾不避权贵，时有“铁面御史”之号。知成都，以一琴一鹤自随。未几，参知政事，论青苗法，诋王安石。出知青州，时有蝗自死，麦大有秋。知越州，岁